

清·方略館 編

清代 方略 全書

北京圖書館出版社



清代方略全書

一四六

清·方略館編

北京圖書館出版社

清·奕訢等撰

欽定剿平捻匪方略

卷四六——五八

清同治十一年（一八七二）鉛印本

欽定剿平捻匪方略卷四十六

戊午年



七月初二日乙亥勝保奏言現據李兆受遣人密

稟因臣相距太遠恐事發無援難於自拔臣已

派陳玉田持諭前往令其先獻滁州不可再有

遲延俟續有稟覆再當斟酌辦理仍恪遵

諭旨加意防範惟臨淮一路甚覺空虛德楞額朱連泰

等之軍尙在亳州鹿邑一帶臣前所請調陝西

兵二千名又爲豫撫截留防堵伊興額史榮椿
之兵遠在徐州難期合剿袁甲三帶赴北路之
兵半由臣營撥出亦爲零匪牽掣現在張龔二
逆並踞懷城分股擾及鳳臨府縣卽北路餘擒
歸併懷遠者亦復不少臣營數千兵勇在鳳懷
百餘里內每日出隊打仗實覺應接不暇臣受
恩深重原當力任其難但既有督辦三省之責似未便

任令有用之兵事事防堵致誤攻剿機宜現已
函催袁甲三如不能繞赴臨淮亦須由徐宿一
帶迅速前進庶與臣軍聲勢相聯其徐州附近
餘擒仍可暫行責成伊興額史榮椿等在彼堵
剿剿儻有緩急仍由臣等隨時調度接應並請
飭下英桂將臣前所奏調陝西兵一千名速飭赴營聽

命軍候調遣奏入

上

命軍機大臣傳諭勝保袁甲三曰英桂所帶兵勇爲數無多分駐永毫鹿三處以防歸陳各路袁甲三曾調陝西官兵一千名業經英桂詳細具奏不能分撥勝保奏請飭調之處著毋庸議懷遠鳳陽捻勢颺張臨淮一帶必須有統兵大員與勝保聯絡攻剿方爲妥善袁甲三前奏徐屬漸就肅清卽日進駐宿州卽著統帶官軍節節前進與勝保會合毋稍延誤史榮

椿已補授直隸提督應令前赴新任已諭和春飭令
傅振邦酌帶兵勇卽回徐州本任該處餘掄卽可責
成該總兵與伊興額防剿袁甲三如能進紮臨淮扼
守東路則盱眙天長等處不致喫重而勝保亦得專
力攻剿懷遠規取鳳陽其李兆受投誠一節著勝保
察其誠僞酌量辦理

勝保又奏言臣由新城進紮馬頭城緊逼懷遠

賊巢六月十六日酌帶馬步由上洪一路親督
進攻礮船礮划駛入渦河口對城轟擊該逆列
隊河干開槍抗拒我軍隔河施放大礮擊中悍
賊餘匪潰逃水師逼近賊舟連環攻打燬沈船
隻三十餘號擊斃淹斃逆匪四五百名該逆踞
巢堅拒臣先期傳令將隨營船隻盡行放至上
洪一帶連夜搭造浮橋派副將張得勝等進攻

洪山嘴派遊擊唐玉輝等帶兵會同前懷遠縣
知縣鄒筍督帶徐春和等各練勇進攻古西門
分派馬隊列於荆山左近又派都司黃鳴鐸等
帶礮船礮划由淮河水路進攻臣親督諸軍復
將京營大礮安設山口二十日各軍齊進該逆
分股迎拒正相持間對岸駛出賊船百餘號橫
截中流當將山口大礮開放登時擊沈十餘隻

後隊悍賊復敢前進臣對准賊船連開數礮斃
兇悍捻首多名船亦同時沈沒其陸路之賊復
經大礮轟擊賊屍紛墜山下張得勝等率衆奮
力搶上山頂立將賊卡四座焚燬斃賊三百餘
人黃開榜等率各兵勇殲殺無數守備龔得貴
等亦帶開化勇廣勇攻上啟王廟賊營賊盡退
至山下遊擊唐玉輝等同時由古西門一路進

攻見山腳下有賊營三座連開擡礮轟斃馬賊
多人知縣鄒筭率領勇目徐春和等首先撲過
賊濠逆衆抵敵不住兵練跟蹤掩殺立將賊圩
一律平毀該逆退入古西門堅守不出統計水
陸三路共斃賊匪二三千名奪獲器械旗幟一
千餘件平毀賊營七座其渦河以北百餘里內
多係老捻巢穴經知縣苗沛霖並派委參領克

蒙古額等馬步兵練在太平集一帶攻破賊巢四處殺斃長髮老捻二千餘名奪獲礮械牲畜不計其數各處所存賊糧取獲無算餘匪敗遁併入距懷遠十二里之蘇家集賊圩淝河一帶百餘里內捻蹤漸就肅清現在已飭署廬鳳道黃元吉由紅心驛進紮總埠並令遊擊唐玉輝督帶團練會同堵剿

同日福濟奏得據參將尹善廷稟稱除全賊擒
三股一撲清涼關一撲馬鞍山一撲龍亭口又
有賊數千由北關抄過關山之後我軍鏖戰竟
日斃賊甚多惟營中火藥將盡兵勇又無隔宿
之糧乘閒衝出重圍退至池河扼要屯紮臣飛
飭總兵塔恩哈派隊由寔速赴援江蘇候補道
吳棠督帶練勇約會副都統富綱阿格率勇二

十六七八九等員連出馬隊四面攻殺率擊賊
勢並截殺關山橫糧之賊斬獲無數各鄉團多
設疑兵夜間縱火焚燒賊卡數處總兵嵩瑞復
督隊繼進關山路賊畏我軍威潛遁回滁各練
堡捆送老賊數十名遺棄衣糧器械滿路臣因
令塔思哈統帶兵勇二千由大柳珠龍橋節節
進徧扼紮關山昨准勝保來函擬調塔思哈協

攻鳳臨惟關山距臨淮鳳陽均二百餘里祇此
兵力實難責令兼顧暫飭署廬鳳道黃元吉由
紅心驛駐總鋪會合勝保所派義勇直搗臨淮
藩司李孟羣已由六安抵廬暫駐唐埠兵勇大
半進圍舒城假難臨敵撤圍而廬軍調派四山
實無可派往撲替之人除非李續賓統軍遠進
抵舒乃能以彼易此然李續賓尙無入皖確信

本未定由何路進攻復據副將盧又熊稟稱紮營三門壩襲攻舒城抄至南門躡賊卡二座並毀賊買賣街延燒城內鼓樓街房屋數間復會同副將會秉忠分路進攻燒蹋卡寨三座我軍繞攻南門遇賊大隊陣斬頭敵執大黃旗者二人砍賊百餘賊勢頗蹙探聞桐城添出援賊數千該副將等移紮城根絕其糧道並率同臣所